

Целью данных богослужений является закрепление предметов «Литургика», «Церковнославянский язык» и «Церковное пение» в практической ее части, а также приобретение навыка живого общения с Богом.

Данный вид учебно-практической деятельности носит добровольный характер, и, несмотря на ранний час (7 часов утра), собирает немало желающих принять в нем участие. Здесь воспитанники школы и их родители постигают навыки богослужебной практики: уход за подсвечниками (для девочек) и раздача записки после причастия, несение служения пономаря в алтаре (для мальчиков с 8 лет), чтение часов и апостола (для имеющих навык) и общее пение (для всех).

Богослужения проводятся духовником Воскресной школы – священником Алексием Малютиным, который накануне, с 17 часов во время вечернего богослужения в основном храме проводит исповедь для готовящихся принять Святых Христовых Таин.

БОЖЕСТВЕННАЯ ЛИТУРГИЯ

(текст Литургии для детей)

Священник: Благословенно Царство Отца и Сына и Святаго Духа, ныне и присно и во веки веков.

Люди: Аминь.

Ектения великая

Диакон: Миром Господу помолимся.

Люди: Господи, помилуй.

Диакон: О свышнем мире и спасении душ наших Господу помолимся.

Люди: Господи, помилуй.

Диакон: О мире всего мира, благостоянии Святых Божиих Церквей и соединении всех Господу помолимся.

Люди: Господи, помилуй.

Диакон: О святем храме сем и с верою, благоговением и страхом Божиим входящих в онь Господу помолимся.

Люди: Господи, помилуй.

Диакон: О Великом Господине и Отце нашем Святейшем Патриархе Кирилле, честнем пресвитерстве, во Христе диаконстве, о всем причте и людех Господу помолимся.

Люди: Господи, помилуй.

Диакон: О Богохранимей стране нашей, властех и воинстве ея Господу помолимся.

Люди: Господи, помилуй.

Диакон: О первопрестольнем граде нашем, всяком граде, стране и верою живущих в них Господу помолимся.

Люди: Господи, помилуй.

Диакон: О благорастворении воздушных, о изобилии плодов земных и временех мирных Господу помолимся.

Люди: Господи, помилуй.

Диакон: О плавающих, путешествующих, недугующих, страждущих, плененных и о спасении их Господу помолимся.

Люди: Господи, помилуй.

Диакон: О избавитися нам от всякия скорби, гнева и нужды Господу помолимся.

Люди: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Люди: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе и друг друга, и весь живот наш (всю жизнь нашу) Христу Богу предадим.

Люди: Тебе, Господи.

Священник: Яко подобает Тебе всякая слава, честь и поклонение, Отцу и Сыну и Святому Духу, ныне и присно и во веки веков.

Первый изобразительный антифон

Благослови, душе моя, Господа. Благословен еси, Господи. Благослови, душе моя, Господа, и вся внутренняя моя Имя святое Его.

Благослови, душе моя, Господа, и не забывай всех воздаяний Его.

Очищающего вся беззакония твоя, исцеляющего вся недуги твоя.

Избавляющего от истления живот твой, венчающего тя милостию и щедротами.

Исполняющего во благих желание твое: обновится, яко орля, юность твоя.

Щедр и милостив Господь, долготерпелив и многомилостив.

Благослови, душе моя, Господа, и вся внутренняя моя Имя святое Его. Благословен еси, Господи.

Ектения малая

Диакон: Паки и паки, миром Господу помолимся.

Люди: Господи, помилуй (*На каждое прошение*). Тебе, Господи.

Священник: Яко Твоя держава, и Твое есть Царство, и сила, и слава, Отца и Сына и Святаго Духа, ныне и присно и во веки веков.

Люди: Аминь.

Второй изобразительный антифон

Хвали, душе моя, Господа. Восхваляю Господа в животе моем, пою

Богу моему, дондеже есмь.

Не надейтесь на князи, на сыны человеческия, в нихже несть спасения.

Изыдет дух его, и возвратится в землю свою: в той день погибнут вся помышления его.

Блажен, емуже Бог Иаковль помощник его, упование его на Господа Бога своего.

Сотворшаго небо и землю, море и вся, яже в них.

Хранящаго истину в век, творящаго суд обидимым, дающаго пищу алчущим.

Господь решит окованныя, Господь умудряет слепцы.

Господь возводит низверженныя, Господь любит праведники.

Господь хранит пришельцы, сира и вдову примет, и путь грешных погубит.

Воцарится Господь во век, Бог твой, Сионе, в род и род.

Песнь Господу Иисусу Христу

Слава Отцу и Сыну и Святому Духу.

И ныне и присно и во веки веков. Аминь.

Единородный Сыне и Слове Божий, Безсмертен Сый и изволивый спасения нашего ради воплотитися от Святыя Богородицы и Приснодевы Марии, непреложно вочеловечивыйся, распныйся же, Христе Боже, смертью смертью поправый, Един Сый Святыя Троицы, прославляемый Отцу и Святому Духу, спаси нас.

Ектения малая

Диакон: Паки и паки, миром Господу помолимся.

Люди: Господи, помилуй. (На каждое прошение) Тебе, Господи. Аминь.

Священник: Яко Твоя держава, и Твое есть Царство, и сила, и слава, Отца и Сына и Святаго Духа, ныне и присно и во веки веков.

Люди: Аминь.

Третий изобразительный антифон. Блаженны

Во Царствии Твоем помяни нас, Господи, егда приидеши, во Царствии Твоем.

Блажени нищии духом, яко тех есть Царство Небесное.
Блажени плачущии, яко тии утешатся.
Блажени кротции, яко тии наследят землю.
Блажени алчущии и жаждущии правды, яко тии насытятся.
Блажени милостивии, яко тии помиловани будут.
Блажени чистии сердцем, яко тии Бога узрят.
Блажени миротворцы, яко тии сынове Божии нарекутся.
Блажени изгнани правды ради, яко тех есть Царство Небесное.
Блажени есте, егда поносят вам, и изженут, и рекут всяк зол глагол на вы, лжуще Мене ради.
Радуйтесь и веселитесь, яко мзда ваша многа на Небесех.

Малый вход с Евангелием

Диакон: Премудрость, прости.

Люди: Приидите, поклонимся и припадем ко Христу. Спаси ны, Сыне Божий, Во святых дивен Сый, поющия Ти, аллилуиа. Единожды.

Тропарь храма: Тропарь Кресту, глас 1:

Спаси, Господи, люди Твоя / и благослови достояние Твое, / победы на сопротивных даруя / и Твое сохраняя Крестом Твоим жительство.
Слава и ныне.

Кондак Креста, глас 4. Подобен:

Вознесыйся на Крест волею, / тезоименитому Твоему новому жительству / щедроты Твоя даруй, Христе Боже, / возвесели нас силою Твоею, / победы дая нам на супостаты, / пособие имущим Твое оружие мира / непобедимую победу.

Диакон: Господу помолимся.

Люди: Господи, помилуй.

Трисвятое

Люди: Святыи Боже, Святыи Крепкий, Святыи Безсмертный, помилуй нас. (3 раза)

Слава Отцу и Сыну и Святому Духу, и ныне и присно и во веки веков. Аминь.

Святой Безсмертный, помилуй нас.

Святой Боже, Святой Крепкий, Святой Безсмертный, помилуй нас.

Прокимен дня
Чтение Апостола дня
Аллилуарий дня

Иерей: Мир всем.

Люди: И духови твоему.

Диакон: От (имярек) Святаго Евангелия чтение.

Люди: Слава Тебе, Господи, слава Тебе.

Чтение Евангелия

Люди: Слава Тебе, Господи, слава Тебе.

Ектения сугубая

Диакон: Рцем вси от всея души и от всего помышления нашего рцем.

Люди: Господи, помилуй. *(На каждое прошение)*

Диакон: Господи Вседержителю, Боже отец наших, молим Ти ся, услыши и помилуй.

Люди: Господи, помилуй.

Диакон: Помилуй нас, Боже, по велицей милости Твоей, молим Ти ся, услыши и помилуй.

Люди: Господи, помилуй *(трижды)*.

Диакон: Еще молимся о Великом Господине и Отце нашем Святейшем Патриархе Кирилле, и всей во Христе братии нашей.

Люди: Господи, помилуй *(трижды)*.

Диакон: Еще молимся о Богохранимем стране нашей, властех и воинстве ея, да тихое и безмолвное житие поживем во всяком благочестии и чистоте.

Люди: Господи, помилуй *(трижды)*.

Диакон: Еще молимся о братьях наших, священницех, священномонасех и всем во Христе братстве нашем.

Люди: Господи, помилуй *(трижды)*.

Диакон: Еще молимся о блаженных и приснопамятных святейших патриарсех православных и создателех святаго храма сего,

и о всех прежде почивших отцев и братиях, zde лежащих и повсюду, православных.

Люди: Господи, помилуй (трижды).

Диакон: Еще молимся о плодоносящих и добродееющих во святем и всечестнем храме сем, труждающихся, поющих и предстоящих людех, ожидающих от Тебе великия и богатая милости.

Люди: Господи, помилуй (трижды).

Священник: Яко милостив и Человеколюбец Бог еси, и Тебе славу возсылаем, Отцу, и Сыну, и Святому Духу, ныне, и присно, и во веки веков.

Люди: Аминь.

Ектения об оглашенных

Диакон: Паки и паки миром Господу помолимся.

Люди: Господи, помилуй.

Диакон: О свышнем мире и спасении душ наших Господу помолимся.

Люди: Господи, помилуй.

Диакон: О мире всего мира, благостоянии Святых Божиих Церквей и соединении всех Господу помолимся.

Люди: Господи, помилуй.

Диакон: О святем храме сем и с верою, благоговением и страхом Божиим входящих в онь Господу помолимся.

Люди: Господи, помилуй.

Диакон: О избавитися нам от всякия скорби, гнева и нужды Господу помолимся.

Люди: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Люди: Господи, помилуй.

Премудрость.

Священник: Яко да под державою Твоею всегда храними, Тебе славу возсылаем: Отцу, и Сыну, и Святому Духу ныне, и присно, и во веки веков.

Люди: Аминь.

Херувимская песнь

Иже Херувимы тайно образующе и животворящей Троице Трисвятую песнь припевающе, всякое ныне житейское отложим попечение.

Великий вход

Люди: Аминь.

Вторая часть Херувимския песни: Яко да Царя всех подыдем, ангельскими невидимо дориносима чинми. Аллилуиа (трижды).

Ектения просительная

Диакон: Исполним молитву нашу Господеви.

Люди: Господи помилуй.

Диакон: О предложенных Честных Дарех Господу помолимся.

Люди: Господи, помилуй.

Диакон: О святем храме сем и с верою, благоговением и страхом Божиим входящих в онь Господу помолимся.

Люди: Господи, помилуй.

Диакон: О избавитися нам от всякия скорби, гнева и нужды Господу помолимся.

Люди: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Люди: Господи, помилуй.

Диакон: Дне всего совершенна, свята, мирна и безгрешна у Господа просим.

Люди: Подай, Господи.

Диакон: Ангела мирна, верна наставника, хранителя душ и телес наших у Господа просим.

Люди: Подай, Господи.

Диакон: Прощения и оставления грехов и прегрешений наших у Господа просим.

Люди: Подай, Господи.

Диакон: Добрых и полезных душам нашим и мира миру у Господа просим.

Люди: Подай, Господи.

Диакон: Прочее время живота нашего в мире и покаянии скончати у Господа просим.

Люди: Подай, Господи.

Диакон: Христианския кончины живота нашего, безболезненны, непостыдны, мирны, и добраго ответа на Страшнем судищи Христове просим.

Люди: Подай, Господи.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшe, сами себе и друг друга, и весь живот наш Христу Богу предадим.

Люди: Тебе, Господи.

Священник: Щедротами Единороднаго Сына Твоего, с Нимже благословен еси, со Пресвятым и Благим и Животворящим Твоим Духом, ныне и присно, и во веки веков.

Люди: Аминь.

Священник: Мир всем.

Люди: И духови твоему.

Диакон: Возлюбим друг друга, да единомыслием исповемы.

Люди: Отца, и Сына, и Святого Духа, Троицу Единосущную и Нераздельную.

Диакон: Двери, двери, премудрость вонмем.

Символ веры

Верую во единаго Бога Отца Вседержителя, Творца небу и земли, видимым же всем и невидимым.

И во единаго Господа Иисуса Христа, Сына Божия, Единороднаго, Иже от Отца рожденнаго прежде всех век. Света от Света, Бога истинна от Бога истинна, рожденна, несотворенна, единосущна Отцу, Имже вся быша.

Нас ради человек и нашего ради спасения сшедшаго с небес и воплотившагося от Духа Свята и Марии Девы и вочеловечшася.

Распятаго же за ны при Понтийстем Пилате, и страдавша, и погребенна.

И воскресшаго в третий день по Писанием.

И возшедшаго на небеса, и седяща одесную Отца.

И паки грядущаго со славою судити живым и мертвым, Егоже Царствию не будет конца.

И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и сславима, глаголавшаго пророки.

Во едину Святую, Соборную и Апостольскую Церковь.

Исповедую едино крещение во оставление грехов.

Чаю воскресения мертвых, и жизни будущаго века. Аминь.

Евхаристия (благодарение)

Диакон: Станем добре, станем со страхом, вонмем, святое возношение в мире приносить.

Люди: Милость мира, жертву хваления.

Священник: Благодать Господа нашего Иисуса Христа, и любви Бога и Отца, и причастие Святаго Духа, буди со всеми вами.

Люди: И со духом твоим.

Священник: Горé имеим сердца.

Люди: Имамы ко Господу.

Священник: Благодарим Господа.

Люди: Достойно и праведно есть поклоняться Отцу и Сыну, и Святому Духу, Троице Единосущней и Нераздельней.

Священник: Победную песнь поюще, вопиюще, взывающе и глаголюще.

Люди: Свят, свят, свят Господь Саваоф, исполнь небо и земля славы Твоея; осанна в вышних, благословен Грядый во имя Господне, осанна в вышних.

Священник: Приимите, ядите, сие есть Тело Мое, еже за вы ломимое во оставление грехов.

Люди: Аминь.

Священник: Пийте от нея вси, сия есть Кровь Моя Новаго Завета, яже за вы и за многия изливаемая, во оставление грехов.

Люди: Аминь.

Священник: Твоя от Твоих Тебе приносяще, о всех и за вся.

Люди: Тебе поем, Тебе благословим, Тебе благодарим, Господи, и молим Ти ся, Боже наш.

Священник: Изрядно о Пресвятей, Пречистой, Преподобнословенней,

Славней Владычице нашей Богородице и Приснодеве Марии.

Люди: Достойно есть яко воистинну блажити Тя, Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога слова рождшую, сущую Богородицу Тя величаем.

Диакон: Вся святыя помянувше, паки и паки миром Господу помолимся.

Люди: Господи, помилуй.

Диакон: О принесенных и освященных Честных Дарех Господу помолимся.

Люди: Господи, помилуй.

Диакон: Яко да Человеколюбец Бог наш, приемь я во святыи, и пренебесный, и мысленный Свой Жертвенник, в воню благоухания духовнаго, возниспослет нам Божественную благодать и дар Святаго Духа, помолимся.

Люди: Господи, помилуй.

Диакон: О избавитися нам от всякия скорби, гнева и нужды Господу помолимся.

Люди: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Люди: Господи, помилуй.

Диакон: Дне всего совершенна, свята, мирна и безгрешна у Господа просим.

Люди: Подай, Господи.

Диакон: Ангела мирна, верна наставника, хранителя душ и телес наших у Господа просим.

Люди: Подай, Господи.

Диакон: Прощения и оставления грехов и прегрешений наших у Господа просим.

Люди: Подай, Господи.

Диакон: Добрых и полезных душам нашим и мира миру у Господа просим.

Люди: Подай, Господи.

Диакон: Прочее время живота нашего в мире и покаянии скончати у Господа просим.

Люди: Подай, Господи.

Диакон: Христианския кончины живота нашего, безболезненны, непостыдны, мирны и добраго ответа на Страшнем судищи Христове просим.

Люди: Подай, Господи.

Диакон: Соединение веры и причастие Святаго Духа испросивше, сами себе, и друг друга, и весь живот наш Христу Богу предадим.

Люди: Тебе, Господи.

Священник: И сподоби нас, Владыко, со дерзновением, неосужденно смети призывати Тебе, Небеснаго Бога, Отца, и глаголати:

Отче наш

Отче наш, Иже еси на небесех, да святится имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Люди: Един свят, един Господь, Иисус Христос, во славу Бога Отца. Аминь.

Причастны (в субботу)

Люди: Радуйтесь, праведнии о Господе, правым подобает похвала.

Причащение мирян

Диакон: Со страхом Божиим, и верою, приступите.

Люди: Благословен грядый во имя Господне. Бог и Господь и явися нам.

Священник: молитва перед Причащением.

Верую, Господи, и исповедую, яко Ты еси воистинну Христос, Сын Бога живаго, пришедый в мир грешныя спасти, от нихже первый есмь аз. Еще верую, яко сие есть самое пречистое Тело Твое, и сия самая есть честная Кровь Твоя. Молюся убо Тебе: помилуй мя, и прости ми прегрешения моя, вольная и невольная, яже словом, яже делом, яже ведением и неведением, и сподоби мя неосужден-

но причастится пречистых Твоих Таинств, во оставление грехов, и в жизнь вечную. Аминь.

Вечери Твоя тайная днесь, Сыне Божий, причастника мя приими; не бо врагом Твоим тайну повем, ни лобзания Ти дам, яко Иуда, но яко разбойник исповедаю Тя: помяни мя, Господи, во Царствии Твоем.

Люди: Тело Христово примите, Источника Безсмертного вкусите. Аллилуиа (трижды).

Священник: Спаси, Боже люди Твоя и благослови достояние Твое. Люди: Видехом свет истинный, прияхом Духа Небесного, обретохом веру истинную, Нераздельней Троице поклоняемся: Та бо нас спасла есть.

Священник: Всегда, ныне и присно, и во веки веков.

Люди: Аминь. Да исполнятся уста наша хваления Твоего, Господи, яко да поем славу Твою, яко сподобил еси нас причастится Святым Твоим Божественным, бессмертным и животворящим Тайнам; соблюди нас о Твоей святости, весь день поучатис правде Твоей. Аллилуиа, аллилуиа, аллилуиа.

Диакон: Прости приемше Божественных, Святых, Пречистых, Безсмертных, Небесных и Животворящих, Страшных Христовых Тайн, достойно благодарим Господа.

Люди: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Люди: Господи, помилуй.

Диакон: День весь совершен, свят, мирен и безгрешен испросивше, сами себе, и друг друга, и весь живот наш Христу Богу предадим.

Люди: Тебе, Господи.

Священник: Яко Ты еси Освящение наше, и Тебе славу возсылаем, Отцу, и Сыну, и Святому Духу, ныне и присно, и во веки веков.

Люди: Аминь.

Священник: С миром изыдем.

Люди: О имени Господни.

Диакон: Господу помолимся.

Люди: Господи, помилуй.

Священник: Благословляяй благословящя Тя, Господи, и освящай

на Тя уповающыя, спаси люди Твоя и благослови достояние Твое, исполнение Церкви Твоя сохрани, освяти любящыя благолепие дому Твоему, Ты тех возпрослави Божественною Твоею силою и не остави нас, уповающих на Тя. Мир миру Твоему даруй, Церквям Твоим, священником и всем людям Твоим. Яко всякое даяние благо и всяк дар совершен свыше есть, сходяй от Тебе, Отца светов. И Тебе славу, и благодарение, и поклонение возсылаем, Отцу, и Сыну, и Святому Духу, ныне и присно, и во веки веков.

Люди: Аминь. Буди имя Господне благословено отныне и до века. (Трижды)

Священник: Благословение Господе на вас, Того благодатию и чело-
веколюбием всегда, ныне и присно, и во веки веков.

Люди: Аминь.

Священник: Слава Тебе, Христе Боже, Упование наше, слава Тебе

Люди: Слава Отцу и Сыну и Святому Духу. И ныне и присно и во веки веков. Аминь. Господи, помилуй (3 раза). Благослови.

Священник: глаголет отпуст

Люди: Великого Господина и Отца нашего Кирилла, Святейшего Патриарха Московского и всея Руси,/ богохранимую страну нашу,/ настоятеля, братию и прихожан святого храма сего и вся православныя христианы,/ Господи, сохрани их на многая лета.

ДЛЯ ЗАМЕТОК

ДЛЯ ЗАМЕТОК

ДЛЯ ЗАМЕТОК



ПРИ ПОДДЕРЖКЕ ПРАВИТЕЛЬСТВА ГОРОДА МОСКВЫ



Синодальный Отдел
религиозного образования
pravobraz.ru



Сеть православных
сайтов «**Prihod.ru**»



Журнал «Православный
паломник» | **journalpp.ru**



Паломнический центр
«Покров» | **www.ps-pokrov.ru**

Русская Православная Церковь



ОФИЦИАЛЬНЫЙ САЙТ
ОТДЕЛА РЕЛИГИОЗНОГО
ОБРАЗОВАНИЯ
И КАТЕХИЗАЦИИ
МОСКОВСКОЙ ГОРОДСКОЙ
ЕПАРХИИ

<http://mosoroik.ru>

**Воскресная школа
при храме Архистратига Михаила
(Патриаршее подворье) в Тропареве г. Москва**

Составители:

**Настоятель храма Архистратига Михаила (Патриаршее подворье)
в Тропареве, директор Воскресной школы
протоиерей Георгий Студенов**

**Старший преподаватель Воскресной школы
диакон Андрей Климов**

**Дизайн-макет: Фёдор Дядичев
Тираж: 1000 экз.**

**Отдел религиозного образования и катехизации
Московской городской епархии
Адрес: г. Москва, ул. Б. Черемушкинская, 25, с. 97, оф. 134
Тел.: 8 (499) 390-63-28
E-mail: otdelromos@gmail.com
Сайт: <http://mosoroik.ru>**